

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-595/15-1
Lukavac, 28.10.2015. godine

Na osnovu člana 69. stav (2). tačka e), člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-595/15-1 od 26.10.2015. godine u otvorenom postupku nabavke radova za Povećanje energetske učinkovitosti Doma kulture u MZ Bistarac Donji, Općinski načelnik d o n o s i

O D L U K U **o poništenju postupka javne nabavke**

Član 1.

Poništava se postupak javne nabavke za povećanje energetske učinkovitosti Doma kulture u MZ Bistarac Donji iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Ova odluka objavit će se na web - stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-594/15-1 od 11.09.2015.godine. Javna nabavka je sprovedena otvorenim postupkom. Procjenjena vrijednost javne nabavke bez PDV-a je 21.368,00 KM.

Obavještenje o nabavci broj: 719-1-3-54-3-28/15 objavljeno je na Portalu javnih nabavki dana 22.09.2015. godine, a sažetak obavještenja o nabavci objavljen je u „Službenom glasniku BiH“, broj: 76/15 od 28.09.2015. godine.

Komisija za provođenje postupka nabavke imenovana Rješenjem broj:02-05-1339/15 od 05.10.2015.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-595/15-1 od 26.10.2015. godine, Preporuku o poništenju postupka javne nabavke broj:02-05-595/15-1 od 26.10.2015. godine i Izvještaj o radu broj:02-05-595/15-1 od 26.10.2015. godine.

U postupku po Izvještaju o radu je utvrđeno da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude,
- da su blagovremeno primljene dvije ponude,
- da nije bilo neblagovremeno primljenih ponuda,

- da ponuda ponuđača LUCIANA d.o.o Lukavac nije prihvatljiva jer nije dostavio slijedeće dokaze tražene tenderskom dokumentacijom:
- Običnu kopiju potvrde poslovne banke kojom se dokazuje da transakcijski račun ponuđača nije bio u blokadi u zadnjih šest mjeseci;
- Ovjerenu kopiju radničke knjižice za dipl. ing. građevine ili ing. građevine;
- Ovjerenu kopiju diplome za dipl. ing. građevine ili ing. građevine ;
- Ovjerenu kopiju uvjerenja o položenom stručnom ispitu za dipl. ing. građevine. ili ing. građevine;
- Da je ponuda ponuđača „TEHNOGRAD“ d.o.o Tuzla kvalifikovana i prihvatljiva i da je isti dostavio sve tražene dokaze propisane tenderskom dokumentacijom, na propisan način.

Nadalje, u postupku ocjene provedenog postupka, općinski načelnik nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da procijenjena vrijednost nabavke iznosi 21.368,00 KM (bez PDV-a) a da vrijednost najniže prihvatljive ponude iznosi 25.079,72 KM (bez PDV-a) te da ne postoji mogućnost preraspodjele sredstava sa druge budžetke pozicije u okviru Službe za urbanizam, prostorno planiranje i investicije, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka e) Zakona o javnim nabavkama, člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac.

Žalba se podnosi u najmanje tri primjerka.

Dostaviti:

1. „LUCIANA“ d.o.o Lukavac
2. „TEHNOGRAD“ d.o.o Lukavac
3. Evidenciji
4. Arhivi.

